

Na osnovu člana 7. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15,102/15,104/16,5/18),i člana 13. Zakona o principima lokalne samouprave u Federaciji Bosne i Hercegovine ("Službene novine FBiH", broj:49/06 i 51/09), Gradsko vijeće Tuzla, na sjednici održanoj dana _____ 2019. godine, d o n o s i:

O D L U K U
o izvršavanju budžeta Grada Tuzla za 2020. Godinu

I – OPŠTE ODREDBE

Član 1.
(Predmet)

Ovom Odlukom uređuje se struktura prihoda i primitaka, rashoda i izdataka budžeta Grada Tuzla za 2020. godinu (u daljem tekstu: Budžet), njegovo izvršavanje, prioriteti plaćanja, obim zaduživanja i garancije, upravljanje javnim dugom, prava i obaveze korisnika budžetskih sredstava, ovlaštenja Gradonačelnika, gradskih službi za upravu, gradskih stručnih i drugih službi, gradskih upravnih organizacija i Gradskog pravobranilaštva, kao i druga pitanja o izvršavanju budžeta za tekuću godinu.

Član 2.
(Pojam)

Budžet je procjena godišnjih prihoda i primitaka, te utvrđenih iznosa izdataka i drugih plaćanja Grada, koji donosi Gradsko vijeće.

Budžet se odnosi na fiskalnu 2020. godinu, koja počinje 01. januara, a završava 31. decembra 2020. godine.

Član 3.
(Struktura budžeta)

Budžet se sastoji od općeg i posebnog dijela i kapitalnog budžeta.

Opći dio budžeta sastoji se od računa prihoda i rashoda.

Posebni dio budžeta sastoji se od plana rashoda i izdataka budžetskih korisnika raspoređenih u tekuće i kapitalne izdatke za tekuću budžetsku godinu.

Kapitalni budžet čine izdvajanja za kapitalne investicije iskazane po izvorima finansiranja.

Član 4.
(Budžetski korisnici)

Budžetski korisnici su gradske službe za upravu, gradske stručne i druge službe, gradske upravne organizacije i Gradsko pravobranilaštvo.

Budžetski korisnici su i javne ustanove: JU Obdanište „Naše dijete“ Tuzla, JU Centar za socijalni rad Grada Tuzla, JU Centar za kulturu Tuzla i JU Gradski stadion „Tušanj“.

Član 5.
(Evidencije)

Transakcije svih prihoda i izdataka i poslovne aktivnosti iz budžeta evidentiraju se u Glavnoj i Pomoćnim knjigama trezora.

Član 6.
(Uplata prihoda)

Svi javni prihodi i primici budžeta, uključujući i prihode koje korisnici budžeta ostvaruju obavljanjem osnovne djelatnosti po posebnim propisima, uplaćuju se na depozitni račun Grada Tuzla i iskazuju po izvorima iz kojih potiču.

Prihodi ostvareni po osnovu Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“ broj:29/03, 22/06, 43/10) evidentiraju se na posebnom transakcijskom računu koji je u sastavu JRT i koriste se u skladu sa Odlukom o uslovima i načinu korištenja sredstava po osnovu posebne naknade za zaštitu od prirodnih i drugih nesreća („Službene novine Federacije BiH“ br. 4/12, 80/13).

Prihodi ostvareni po osnovu naknade za izgradnju skloništa u skladu sa Zakonom o zaštiti i spašavanju FBiH („Službene novine Federacije BiH“ br. 39/03, 22/06, 43/10), evidentiraju se na posebnom transakcijskom računu JRT i koriste se za izgradnju i održavanje javnih skloništa, u skladu sa dugoročnim programima i godišnjim planovima za izradu javnih skloništa.

Prihodi ostvareni na osnovu Zakona o izdvajanju i usmjeravanju dijela prihoda preduzeća ostvarenih radom termoelektrana („Službene novine FBiH“, broj: 80/14), evidentiraju se na posebnom transakcijskom računu i koriste u skladu sa članom 6. citiranog Zakona.

II - IZVRŠAVANJE BUDŽETA

Član 7.
(Sredstva za budžetske korisnike)

Sredstva budžeta koriste se za finansiranje izdataka iz nadležnosti gradskih službi za upravu, stručnih službi, upravnih organizacija, javnih ustanova i ostalih čije je finansiranje iz budžeta predviđeno posebnim propisom.

Sredstva budžeta osiguravaju se budžetskim korisnicima koji su u posebnom dijelu budžeta određeni za nosioce sredstava na pojedinim pozicijama.

Korisnici koriste budžetska sredstva samo za namjene koje su određene budžetom, i to do visine utvrđene u njegovom posebnom dijelu.

Član 8.
(Neplanirana namjenska sredstva budžetskih korisnika)

Donacije, grantovi i namjenski transferi odobreni i uplaćeni na depozitni račun Grada Tuzla, a koji nisu planirani u Budžetu Grada Tuzla, usmjeravaju se u budžet za fiskalnu godinu na osnovu Odluke Gradonačelnika, na prijedlog Službe za budžet i finansije, a u skladu sa zahtjevom nadležnog budžetskog korisnika za namjene za koje su i uplaćeni.

Član 9.
(Odgovornost za prikupljanje prihoda)

Budžetski korisnici odgovorni su za potpuno i pravovremeno prikupljanje i uplaćivanje na depozitni račun Grada Tuzla prihoda budžeta, namjenskih sredstava i vlastitih prihoda iz svoje nadležnosti.

Budžetski korisnici odgovorni su za zakonitost, svrsishodnost, efikasnost i ekonomičnost raspolaganja budžetskim sredstvima.

Član 10.
(Operativni budžeti)

Budžet se izvršava na temelju tromjesečnih planova raspoloživih budžetskih sredstava (novčanog toka), koji odobrava Odbor za likvidnost, na prijedlog Službe za budžet i finansije, a na osnovu dinamike priliva sredstva u budžetu.

Budžetski korisnici pripremaju i podnose prijedloge operativnih budžeta Službi za budžet i finansije.

Prijedlozi operativnih budžeta obuhvataju rashode za tri mjeseca, iskazane na mjesečnom nivou.

Služba za budžet i finansije izvještava korisnike o odobrenim operativnim budžetima.

Rashodi svakog korisnika ne mogu prelaziti iznose budžetskih sredstava utvrđenih u operativnom budžetu.

Član 11.
(Prioriteti izvršanja budžeta)

Budžet se izvršava u skladu sa njegovim likvidnim mogućnostima po slijedećim prioritetima:

1. otplata duga i kamata,
2. plaće i naknade zaposlenih,
3. grantovi za jednokratne pomoći u oblasti socijalne i boračko invalidske zaštite,
4. plaćanje obaveza po sudskim presudama
5. materijalni i drugi troškovi neophodni za rad gradskih službi za upravu,
6. naknade za rad u Gradskom vijeću i radnim tijelima Gradskog vijeća,
7. tekući izdaci za komunalnu infrastrukturu,
8. kapitalni izdaci za komunalnu infrastrukturu i
9. ostalo.

Član 12.
(Javne nabavke)

Postupak nabavke roba, usluga i ustupanja radova mora se obavljati u skladu sa Zakonom o javnim nabavkama BiH („Službeni glasnik BiH“, broj: 39/14).

Član 13.
(Tekuća rezerva)

Hitni i nepredviđeni izdaci koji se pojave u toku budžetske godine, uključujući izdatke za otklanjanje posljedica u periodu trajanja prirodne nesreće, podmiruju se iz sredstava Tekuće rezerve utvrđene u budžetu.

O korištenju sredstava Tekuće rezerve, odlučuje Gradonačelnik, na prijedlog nadležne službe.

Budžetsko izdvajanje za Tekuću rezervu ne smije preći 3% ukupnih prihoda, isključujući primitke.

Ako se tokom godine, na osnovu zakona ili drugih propisa poveća nadležnost korisnika, što zahtijeva povećana sredstva, ili se osnuje novi korisnik, sredstva za njegove troškove mogu se osigurati iz Tekuće rezerve budžeta, a odobrava ih Gradonačelnik.

Ako se tokom godine, na osnovu zakona ili drugih propisa umanja nadležnost korisnika, što zahtijeva smanjena sredstva, ili se korisnik ukine, neutrošena sredstva za njegove troškove prenose se u Tekuću rezervu budžeta ili na korisnika koji preuzme njegove poslove.

Služba za budžet i finansije obavezna je tromjesečno izvještavati Gradonačelnika o korištenju sredstava Tekuće rezerve.

Gradonačelnik polugodišnje izvještava Gradsko vijeće o korištenju sredstava Tekuće rezerve.

Član 14.
(Preraspodjela sredstva)

Gradonačelnik može na prijedlog budžetskog korisnika, donijeti odluku o prestrukturiranju rashoda u okviru ukupnog iznosa odobrenog za budžetskog korisnika, a najviše do 10% ukupno odobrenih rashoda za budžetskog korisnika.

U okviru odobrenog budžeta, preraspodjela sredstava iznimno je dozvoljena između budžetskih korisnika.

O preraspodjeli iz prethodnog stava odlučuje Gradonačelnik na prijedlog Službe za budžet i finansije.

Član 15.
(Jedinstveni račun trezora)

Obavljanje platnih transakcija vrši se preko transakcijskih računa koji su sastavni dio jedinstvenog računa trezora (u daljem tekstu: „JRT“).

JRT može imati više podračuna.

Sa JRT se ne može isplatiti ni jedan izdatak ukoliko nije odobren budžetom.

Član 16.
(Povrat više ili pogrešno uplaćenih prihoda)

Povrat pogrešno ili više uplaćenih javnih prihoda u tekućoj godini vrši se sa računa javnih prihoda (depozitnog računa) iz tekućeg priliva korisnika prihoda, a povrat prihoda koji nisu uplaćeni u tekućoj godini vrši se sa transakcijskih računa korisnika prihoda, u skladu sa odredbama važećeg Pravilnika.

III - REALIZACIJA SREDSTAVA BUDŽETA

Član 17.
(Sredstva za rad Gradskog vijeća Tuzla)

Sredstva utvrđena za isplatu naknada za rad u Gradskom vijeću i u radnim tijelima Gradskog vijeća isplaćuju se na osnovu Odluke o naknadama vijećnicima i članovima radnih tijela Općinskog vijeća („Službeni glasnik općine Tuzla“, br. 6/97,10/02 i 12/06), Odluke o naknadama predsjedavajućeg, zamjenika predsjedavajućeg i predsjednika Klubova vijećnika u Općinskom vijeću Tuzla („Službeni glasnik općine Tuzla“ br.8/07) i drugim propisima koji regulišu ovu oblast.

Raspodjela sredstava za rad parlamentarnim političkim subjektima u Gradskom vijeću Tuzla vrši se u skladu sa Odlukom o izdvajanju sredstava iz Budžeta Općine Tuzla za rad političkih partija, koalicija, lista nezavisnih kandidata i parlamentarnih grupa („Službeni glasnik općine Tuzla“, br. 1/02, 12/06, 8/07, 11/11, 2/13, 3/13).

Član 18.
(Sredstva za rad savjeta mjesnih zajednica)

Sredstva planirana za rad savjeta mjesnih zajednica isplaćuju se na osnovu Odluke o visini naknade predsjednicima i članovima savjeta mjesnih zajednica („Službeni glasnik Općine Tuzla“, broj:06/10 i 09/13).

Član 19.
(Plaće i naknade troškova zaposlenih)

Sredstva utvrđena u budžetu za plaće, isplaćuju se u skladu sa važećom Odlukom o plaćama uposlenika gradskih organa Tuzla.

Osnovica za obračun plaće uposlenika gradskih organa Tuzla u periodu 01.01.-31.12.2020. godine iznosi 330,00 KM, a visina boda 1 (jedan).

Sredstva za naknade zaposlenih isplaćuju se u skladu sa važećom Odlukom o naknadama uposlenika gradskih organa Tuzla.

Sredstva za plaće i naknade uposlenih u javnim ustanovama, iz člana 4. stav 2. ove Odluke, obračunavat će se i isplaćivati u skladu sa važećim pravilnicima javnih ustanova.

Član 20. (Raspoređivanje sredstava)

Sredstva utvrđena u Budžetu Grada Tuzla na pozicijama:

1. Grantovi pojedincima-socijalne jednokratne pomoći,
2. Grantovi pojedincima-za liječenje teško oboljelih u inostranstvu i
3. Grantovi pojedincima-jednokratne pomoći korisnicima BIZ-a, raspoređuju se na osnovu pravilnika ili finansijskog plana koji donosi Gradsko vijeće.

Član 21.

Sredstva utvrđena u budžetu Grada Tuzla na pozicijama :

1. Nagrade studentima, učenicima i sportistima za nadprosječan uspjeh,
2. Grant ADS FBiH za obuku državnih službenika i namještenika
3. Grant za ostale nacionalne manjine,
4. Grant za realizaciju Lokalnog akcionog plana za Rome grada Tuzla,
5. Grantovi neprofitnim organizacijama - sport,
6. Grant neprofitnoj organizaciji RSD „Sloboda“ Tuzla,
7. Grant neprofitnoj organizaciji-Sportski savez grada Tuzla,
8. Grant neprofitnoj organizaciji- UG“Kuća plamena mira“ Tuzla,
9. Grant neprofitnim organizacijama- UG „Lovačko društvo Tuzla“,
10. Grant za kulturnu manifestaciju „Ljeto u Tuzli“,
11. Grantovi neprofitnim organizacijama-udruženja, organizacije i fondacije,
12. Grant neprofitnoj organizaciji KK „Jedinstvo“ Tuzla,
13. Grant za MDD „Merhamet“ za Narodnu kuhinju“Imaret“,
14. Tekući grant vjerskim zajednicama,
15. Tekući grant za JZU Gradske apoteke Tuzla,
16. Grant neprofitnoj organizaciji OKK „Sloboda“ Tuzla,
17. Grant neprofitnoj organizaciji – Srpsko građansko vijeće Tuzla;
18. Grantovi za zaštitu kulturno istorijskog i prirodnog naslijeđa,
19. Grant za projekte za mlade,
20. Grant Crvenom križu za projekat tuđe njege i pomoći u gradu Tuzla,
21. Grant neprofitnoj organizaciji – Udruženje za razvoj Nerda,
22. Grant neprofitnim organizacijama – Kulturno nacionalna udruženja,
23. Grant za Aero-klub Tuzla,
24. Grant za medije,
25. Grant neprofitnim organizacijama – DVD na području grada Tuzla,
26. Grantovi za raseljena lica – pomoć povratku,
27. Grant za povratak – LAP Readmisija.
28. Grant za realizaciju Plana upravljanja otpadom za Grad Tuzla,
29. Transfer za rad – UG „Nirina“ Tuzla;
30. Transfer za rad -- Gradsko udruženje samostalnih privrednika,
31. Transfer za rad -- Crveni križ grada Tuzla,
32. Transfer za rad -- Udruženje penzionera grada Tuzla,
33. Transfer za rad -- JP „RTV 7“ Tuzla,
34. Transfer za rad – JP SKPC „Mejdan“ Tuzla,
35. Transfer za rad – JP „Veterinarska stanica“ Tuzla,
36. Transfer za rad – RPC Tuzla – „Inkubator Lipnica“,
37. Transfer za rad – JP BIT Centar Tuzla,
38. Tekući grant za finansiranje projekata iz oblasti poduzetništva,
39. Tekući grant za razvoj primarne poljoprivredne proizvodnje,

40. Tekući transfer KU CZ Tuzla – za deminiranje,
41. Kapitalni grant za razvoj primarne poljoprivredne proizvodnje,
42. Grant za JP „Veterinarska stanica“ – Program kontrole populacije pasa u gradu Tuzla,
43. Transfer za rad – za Vijeće mladih,
44. Grant organizacijama iz oblasti poljoprivredne proizvodnje,
45. Subvencioniranje kamata za stambeno zbrinjavanje mladih,
46. Kapitalni grant vjerskim zajednicama,
47. Grant za Jevrejsku općinu Tuzla,
48. Transfer za rad - UG „Viva žene“ Tuzla,
49. Kapitalni grant –DVD na području grada Tuzla,

raspoređuju se na osnovu programa raspodjele sredstava za svaku poziciju u ovom članu, usvojenih od strane Pomoćnika Gradonačelnika resorne službe u skladu sa utvrđenim kriterijima.

Program raspodjele sredstava za pozicije iz stava 1. ovog člana sadrži slijedeće elemente:

- naziv projekta,
- ime korisnika projekta,
- visinu i strukturu sredstava za realizaciju projekta,
- broj transakcijskog računa korisnika projekta.

Rok za usvajanje programa raspodjele sredstava iz stava 1. ovog člana je 30.06.2020.godine.

Resorne službe su dužne, nakon okončanja procedure raspodjele sredstava, zaključiti ugovore sa korisnicima o načinu korištenja sredstava, te pratiti njihovu realizaciju.

Član 22.

Pozicije pod rednim brojevima 6, 7, 8, 9, 12, 13, 15, 16, 17, 20, 21, 23, 29, 30, 31, 32, 33, 34, 35, 36, 37, 42, 43, 47. I 48, iz predhodnog člana ove Odluke, kod kojih je već utvrđen korisnik, osnov korištenja i raspodjele sredstava regulisat će se ugovorom koji će sa korisnikom sredstava zaključiti resorna Služba nosilac sredstava u budžetu.

Ugovorom će se definisati namjena i način korištenja sredstava, te ostale obaveze u pogledu namjenskog korištenja istih.

Član 23.

(Grant za pomoć Fondaciji „Istina – pravda – pomirenje“ Tuzla)

Sredstva utvrđena u budžetu na poziciji Grant za pomoć Fondaciji „Istina – pravda – pomirenje“ Tuzla koriste se na osnovu Finansijskog plana i Programa aktivnosti Fondacije za 2020. godinu, usvojenih od strane Komisije za istinu o Tuzli 1992. – 1995. Gradskog vijeća Tuzla.

Navedena sredstva uplaćivat će se Fondaciji „Istina – pravda – pomirenje“ Tuzla kvartalno, na osnovu zahtjeva i usvojenog izvještaja Fondacije o utrošku uplaćenih sredstava za predhodni kvartal, od strane Komisije iz stava 1. ovog člana.

Član 24.

(Grantovi za kulturne i sportske manifestacije)

Sredstva utvrđena za realizaciju Grantova za kulturne i sportske manifestacije koriste se u skladu sa Pravilnikom o kriterijima i postupku raspodjele sredstava za finansiranje/sufinansiranje kulturnih i sportskih manifestacija („Službeni glasnik Grada Tuzla“, broj: 7/18).

Korisnici sredstava iz stava 1. ovog člana su dužni u roku od 30 dana od dana realizacije manifestacije opravdati dodijeljena sredstva, u suprotnom su dužni izvršiti povrat istih.

Član 25.

(Transfer za rad -- JU „Narodno pozorište“ Tuzla i Transfer za rad -- JU Narodna i univerzitetska biblioteka „Derviš Sušić“ Tuzla)

Sredstva utvrđena u budžetu na poziciji Transfer za rad -- JU „Narodno pozorište“ Tuzla i Transfer za rad - JU Narodna i univerzitetska biblioteka „Derviš Sušić“ Tuzla, koriste se u skladu sa zaključenim Ugovorom sa Vladom TK, o regulisanju međusobnih odnosa u vezi sa prenošenjem i preuzimanjem suosnivačkih prava nad navedenim ustanovama.

Član 26.

(Grant za aktivnu politiku zapošljavanja i Grant za podršku privatnim preduzećima i poduzetnicima)

Sredstva utvrđena za realizaciju „Granta za aktivnu politiku zapošljavanja“ i „Granta za podršku privatnim preduzećima i poduzetnicima“ koriste se u skladu sa Pravilnikom o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području Grada Tuzla („Službeni glasnik Grada Tuzla“, broj: 6/18)“.

Član 27.

(Grantovi neprofitnim organizacijama – učešće grada u projektima EU i drugih međunarodnih organizacijai Kapitalni grant – učešće grada u projektima EU i drugih međunarodnih organizacija)

Sredstva utvrđena u budžetu, na poziciji Grantovi neprofitnim organizacijama – učešće grada u projektima EU i drugih međunarodnih organizacija i Kapitalni grant – učešće grada u projektima EU i drugih međunarodnih organizacija, realizovat će se na osnovu zaključenog ugovora između Grada Tuzla i međunarodnih organizacija.

Član 28.

(Kapitalni grant – učešće grada u međunarodnim projektima)

Sredstva u Budžetu, u organizacionoj jedinici Služba civilne zaštite, na poziciji Kapitalni grant – učešće grada u međunarodnim projektima, realizirat će se na osnovu zaključenog ugovora između Grada Tuzla i međunarodnih organizacija.

Član 29.

(Grantovi za projekete energijske efikasnosti)

Sredstva utvrđena u budžetu na poziciji Grantovi za projekte energijske efikasnosti u organizacionoj jedinici Služba za komunalne poslove, izgradnju i poslove MZ-a realizovat će se u skladu sa Odlukom o uslovima, kriterijima, postupku i načinu dodjeljivanja grantova za projekte energijske efikasnosti, usvojenom od strane Gradskog vijeća Tuzla.

Član 30.

(Subvencije pojedincima po osnovu komunalne naknade)

Sredstva utvrđena u budžetu Grada Tuzla, u organizacionoj jedinici Služba za komunalne poslove, izgradnju i poslove MZ-a, na poziciji „Subvencije pojedincima po osnovu komunalne naknade“ realizovat će se u skladu sa Pravilnikom, usvojenim od strane Gradskog vijeća Tuzla.

Član 31.

(Grantovi korisnika BIZ-a)

Sredstva utvrđena u budžetu na poziciji „Učešće grada u troškovima postupka pribavljanja odobrenja za građenje korisnika BIZ-a“ koriste se na način propisan Odlukom o subvencioniranju naknade za pogodnost lokacije i troškova u postupku građenja i legalizacije stambenih objekata („Službeni glasnik općine Tuzla“, broj:11/06, 6/10).

Sredstva za rad organizacija i udruženja iz oblasti boračko-invalidske zaštite sa područja Grada Tuzla, koriste se na način propisan Odlukom o uslovima, kriterijima i postupku dodjele sredstava za finansiranje rada i realizaciju programskih ciljeva organizacija i udruženja iz oblasti boračko-invalidske zaštite sa područja općine Tuzla, („Službeni glasnik općine Tuzla“, broj:02/10).

Član 32.

(Subvencioniranje najamnine za korištenje stanova po modelu neprofitno –socijalno stanovanje)

Sredstva utvrđena u budžetu na poziciji „Subvencioniranje najamnine za korištenje stanova po modelu neprofitno – socijalno stanovanje“ koriste se na način propisan Odlukom o kriterijima,

uslovima i postupku ostvarivanja prava na subvencioniranje najamnine za korištenje stanova po modelu neprofitno – socijalno stanovanje („Službeni glasnik Grada Tuzla“, broj: 10/17).

Član 33.
(Kapitalni budžet)

Sredstva utvrđena u Budžetu Grada Tuzla, kao „Kapitalni izdaci“ koriste se u skladu sa usvojenim kapitalnim budžetom koji je sastavni dio Budžeta grada Tuzla za 2020. godinu.

Član 34.
(Grantovi za nabavku i ugradnju toplotnih MRS-a i za troškove angažovanog kapaciteta u MZ Šićki Brod, MZ Bukinje i MZ Husino)

Sredstva u Budžetu, u organizacionoj jedinici Služba za komunalne poslove, izgradnju i poslove mjesnih zajednica, na poziciji Grant za nabavku i ugradnju toplotnih MRS-a u MZ Šićki Brod, MZ Bukinje i MZ Husino, realizirat će se na osnovu posebne odluke Gradonačelnika, na prijedlog Službe za komunalne poslove, izgradnju i poslove mjesnih zajednica.

Član 35.
(Naknade za rad stručnih komisija)

Sredstva utvrđena u budžetu za isplatu naknada za rad stručnih komisija za tehnički prijem objekata, isplaćuju se na osnovu Odluke o uslovima i načinu formiranja komisija za tehnički pregled, visinu i način plaćanja troškova za tehnički pregled građevina („Službeni glasnik općine Tuzla“, broj 9/12).

Sredstva utvrđena u budžetu za rad u stalnim i privremenim komisijama čije osnivanje je predviđeno posebnim zakonom, koje imenuju Gradonačelnik, odnosno rukovodioci općinskih službi, isplaćuju se u skladu sa Odlukom o naknadama uposlenika općinskih organa Tuzla („Službeni glasnik općine Tuzla“, br. 11/10, 1/11, 10/11, 8/12).

Član 36.
(Naknada za rad Gradske izborne komisije)

Sredstva planirana u okviru organizacione jedinice Gradska izborna komisija grada Tuzla će se realizovati u skladu sa finansijskim planom Gradske izborne komisije, koji usvaja Gradsko vijeće Tuzla.

Član 37.
(Sredstva za zaštitu i spašavanje)

Sredstva utvrđena u Budžetu Grada Tuzla u okviru izdataka „Službe za civilnu zaštitu - Sredstva za zaštitu i spašavanje“, koristit će se prema Godišnjem planu korištenja sredstava za zaštitu i spašavanje, koji donosi Služba civilne zaštite uz pribavljeno mišljenje Gradskog štaba civilne zaštite, a transakcije po ovom osnovu vršit će se putem namjenskog transakcijskog računa Grada Tuzla, kao podračuna JRT.

IV - FINANSIJSKO IZVJEŠTAVANJE

Član 38
(Izvještaji o izvršenju Budžeta)

Služba za budžet i finansije dužna je podnositi Gradonačelniku tromjesječni, polugodišnji i devetomjesečni finansijski izvještaj o izvršenju budžeta u roku od 20 dana po isteku obračunskog perioda, a godišnji izvještaj u roku šest mjeseci od završetka fiskalne godine.

Služba za budžet i finansije dužna je dostaviti kvartalne izvještaje Gradskom vijeću i Ministarstvu finansija TK u roku od 20 dana po isteku obračunskog perioda, a za IV kvartal do 5.marta tekuće godine.

V - ZADUŽIVANJE I UPRAVLJANJE DUGOM

Član 39. (Stvaranje obaveza)

Grad može stvoriti obaveze na osnovu zaduživanja ili izdavanja garancija. O visini zaduživanja i garancijama odlučuje Gradsko vijeće. Otplata duga Grada predstavlja obavezu Grada.

Član 40. (Svrhe zaduženja)

Grad Tuzla se može zadužiti u slijedeće svrhe:

- za finansiranje kapitalnih investicija i posebnih programa odobrenih od Gradskog vijeća;
- za plaćanje, na temelju izdatih garancija Grada, u potpunosti ili djelimično u slučajevima kada zajmoprimac ne isplati svoje obaveze;
- za finansiranje budžetskog deficita.

Član 41. (Svrhe izdavanja garancija)

Grad može izdati garanciju samo za finansiranje kapitalnih investicija, i samo pod uslovom da je pravna osoba koja je zajmoprimac sredstava pravna osoba čiji je većinski vlasnik Grad .

VI - RAČUNOVODSTVO I NADZOR BUDŽETA

Član 42. (Računovodstvena načela)

Budžetsko računovodstvo se zasniva na računovodstvenim načelima: tačnosti, istinitosti, pouzdanosti, sveobuhvatnosti, pravovremenosti i pojedinačnom iskazivanju poslovnih događaja, te na međunarodnim računovodstvenim standardima za javni sektor. Budžetsko računovodstvo se vodi po načelu dvojnog knjigovodstva i na računima kontnog plana budžeta.

Član 43. (Načelo modificiranog nastanka događaja)

Priznavanje prihoda i primitaka, te rashoda i izdataka putem sistema Glavne knjige provodi se po načelu modificiranog nastanka događaja.

Prihodi i primici priznaju se u onom periodu kada su mjerljivi i raspoloživi, to jest kada su uplaćeni na račun budžeta.

Rashodi i izdaci priznaju se u onom periodu kada je obaveza nastala za plaćanje.

Član 44. (Odgovornost za stvaranje obaveza)

Pomoćnici gradskih službi za upravu i rukovodioci gradskih stručnih i drugih službi, direktor gradske upravne organizacije, Gradski pravobranilac i direktori javnih ustanova kao budžetskih korisnika odgovorni su za interni nadzor, uključujući i potrošačke jedinice koje spadaju u njihovu nadležnost.

VII - JAVNOST I TRANSPARENTNOST BUDŽETA

Član 45. (Objavljivanje dokumenata)

U cilju obavještanja javnosti o upravljanju javnim prihodima - Budžet, Dokument okvirnog budžeta, Odluka o izvršavanju budžeta i ostali dokumenti vezani za izvršavanje budžeta, objavljivat će se u Službenom glasniku Grada Tuzla, u skladu sa članom 100. Zakona o budžetima u FBiH Hercegovine („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15,102/15,104/16).

Svi dokumenti iz stava 1. ovog člana, objavljivat će se i na internet stranici Grada Tuzla.

VIII - PRELAZNE I ZAVRŠNE ODREDBE

Član 46. (Primjena podzakonskih akata)

Na sva pitanja koja nisu regulisana ovom Odlukom, a tiču se načina izrade, donošenja, izvršavanja budžeta, zaduživanja, duga, računovodstva, nadzora i revizije budžeta, primjenjivat će se odredbe važećih zakona.

Član 47. (Kaznene odredbe)

U slučaju nepoštivanja ove Odluke, primjenjivat će se odredbe člana 102. i 103. Zakona o budžetima u Federaciji Bosne i Hercegovine.

Član 48. (Stupanje na snagu)

Ova Odluka stupa na snagu danom objavljivanja u „Službenom glasniku Grada Tuzla“, a primjenjivat će se za fiskalnu 2020. godinu.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADSKO VIJEĆE
Broj:
Tuzla,**

**PREDSJEDAVAJUĆI VIJEĆA
Dr.med.sci. Aleksandar Vujadinović**

Obrazloženje

Pravni osnov za donošenje Odluke o izvršavanju budžeta Grada Tuzla za 2020. godinu (u daljem tekstu: Odluka) je član 7. Zakona o budžetima u Federaciji Bosne i Hercegovine («Službene novine Federacije BiH» broj: 102/13, 9/14, 13/14, 8/15, 91/15, 102/15, 104/16, 5/18).

Ovom Odlukom uređuje se struktura prihoda i primitaka, rashoda i izdataka Budžeta Grada Tuzla za 2019. godinu (u daljem tekstu: Budžet), njegovo izvršavanje, prioriteta plaćanja, obim zaduživanja i garancije, upravljanje javnim dugom, prava i obaveze korisnika budžetskih sredstava, ovlaštenja Gradonačelnika, gradskih službi i drugih organizacionih jedinica, kao i druga pitanja o izvršavanju budžeta za tekuću godinu.

Odlukom se takođe reguliše način izvršavanja budžeta u sistemu trezora, što podrazumjeva operativno planiranje, jedinstvenu evidenciju (glavna i pomoćne knjige trezora), Jedinstveni račun trezora i uvođenje novih budžetskih korisnika.

Ova Odluka primjenjivat će se za fiskalnu 2020. godinu.

OBRADIVAČ:
Služba za budžet i finansije

Na osnovu člana 7. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 5/18, 11/19) i člana 15. Zakona o principima lokalne samouprave u Federaciji Bosne i Hercegovine ("Službene novine FBiH", broj:49/06), Gradsko vijeće Tuzla, na sjednici održanoj dana _____2019. godine, d o n o s i:

O D L U K U

o izmjenama i dopunama Odluke o izvršavanju budžeta Grada Tuzla za 2019. godinu

Član 1.

Član 18. stav 2. Odluke o izvršavanju budžeta Grada Tuzla za 2019. godinu („Službeni glasnik Grada Tuzla“, broj: 13/18), (u daljem tekstu Odluka), mijenja se i glasi:
„Osnovica za obračun plaće uposlenika gradskih organa Tuzla u periodu 01.07.-31.12.2019. godine iznosi 330,00 KM, a visina boda 1 (jedan).

Član 2.

U članu 20. stav 1. Odluke, podtačka 48. „Subvencioniranje kamata za stambeno zbrinjavanje mladih“, briše se.

Član 3.

Iza člana 30. Odluke, dodaje se novi član 30 a., koji glasi:

„Član 30 a.

(Subvencioniranje kamata za rješavanje stambenih pitanja mladih)

Sredstva utvrđena u Budžetu, u organizacionoj jedinici Služba za boračko - invalidsku zaštitu, stambene poslove i integraciju raseljenih lica, na poziciji „Subvencioniranje kamate za stambeno zbrinjavanje mladih“ realizovat će se u skladu sa važećom Odlukom o subvencioniranju kamate za rješavanje stambenih pitanja mladih, kojom su utvrđeni uslovi, kriteriji i postupak subvencioniranja kamate za rješavanje stambenih pitanja mladih koju donosi Gradonačelnik.“

Član 4.

Ova Odluka stupa na snagu danom objavljivanja u „Službenom glasniku Grada Tuzla“, a primjenjivat će se počev od 01.07.2019. godine.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADSKO VIJEĆE
Broj:01-14-_____2019
Tuzla, _____2019. godine

PREDSJEDAVAJUĆI VIJEĆA
Dr.med.sci. Aleksandar Vujadinović

O b r a z l o Ź e n j e

Pravni osnov za donošenje Odluke o izmjenama i dopunama Odluke o izvršavanju budžeta Grada Tuzla za 2019. godinu (u daljem tekstu: Odluka) je član 7. Zakona o budžetima u Federaciji Bosne i Hercegovine («Službene novine Federacije BiH» 102/13, 9/14, 13/14, 8/15, 91/15, 102/15, 104/16, 5/18, 11/19).

Sporazum o utvrđivanju osnovice i boda za obračun plaća za 2019. godinu su dana 05.12.2018. godine potpisale pregovaračke strane Gradonačelnik Grada Tuzla, Sindikalna organizacija državnih službenika i namještenika Grada Tuzla i Sindikalna organizacija Profesionalne vatrogasne brigade (PVB) Tuzla, kojim je utvrđena osnovica za obračun plaća uposlenika Grada Tuzla u iznosu od 315,00 KM i visina boda 1 (*jedan*).

Tačkom 3. Sporazuma je definisano da, ukoliko Vlada Federacije BiH, u narednom periodu, utvrdi višu visinu osnovice za obračun plaća za državne službenike i namještenike u organima državne službe i javnim ustanovama na nivou Federacije BiH, Pregovaračke strane će ponovo pregovarati o mogućnosti utvrđivanja veće osnovice za obračun plaća uposlenika Grada Tuzla za 2019. godinu, u odnosu na gore navedenu osnovicu.

Vlada Federacije BiH je dana 18.12.2018. godine Sporazumom utvrdila visinu osnovice za obračun plaća za državne službenike i namještenike u organima državne službe i javnim ustanovama na nivou Federacije BiH za fiskalnu 2019. godinu u iznosu od 330,00 KM („Sl. novine FBiH“, broj 103/18).

Dana 13.06.2019. godine izvršeni su pregovori u skladu sa Zakonom, o čemu je zaključen novi Sporazum o utvrđivanju osnovice i boda za obračun plaća za 2019. godinu, broj 02-14-A-4145-2019 od 13.06.2019. godine. Ovim Sporazumom je utvrđena osnovica za obračun plaće u iznosu od 330,00 KM (*slovima: tristotinetrideset KM*) i vrijednost boda 1 (*jedan*), sa primjenom počev od 01.07.2019. godine.

Na zahtjev Službe za boračko - invalidsku zaštitu, stambene poslove i integraciju raseljenih lica vrši se izmjena člana 20. stav 1. Odluke, tako što se briše podtačka 48. „Subvencioniranje kamata za stambeno zbrinjavanje mladih“.

Takođe, na zahtjev iste Službe posebnim članom Odluke se definiše način raspoređivanja sredstava namjenjenih za subvencioniranje kamata za rješavanje stambenih pitanja mladih.

Imajući u vidu gore navedeno predlaže se donošenje ove Odluke.

OBRAĐIVAČ:
Služba za budžet i finansije

Polazeći od člana 5. i 59. Zakona o plaćama u organima vlasti Federacije Bosne i Hercegovine („Službene novine Federacije Bosne i Hercegovine“, broj 45/10 i 111/12, 20/17), člana 2. Odluke o plaćama uposlenika općinskih organa Tuzla („Službeni glasnik Općine Tuzla“, broj 3/13, 11/17), te u skladu sa odredama Zakona o budžetima u FBiH („Službene novine Federacije Bosne i Hercegovine, broj: 102/13, 9/14, 13/14, 8/15, 91/15, 102/15, 104/16, 5/18, 11/19), Gradonačelnik Grada Tuzla, Sindikalna organizacija državnih službenika i namještenika Grada Tuzla i Sindikalna organizacija Profesionalne vatrogasne brigade (PVB) Tuzla, zaključuju

SPORAZUM o utvrđivanju osnovice i boda za obračun plaća za 2020. godinu

1. Ovim Sporazumom Gradonačelnik Grada Tuzla, Sindikalna organizacija državnih službenika i namještenika Grada Tuzla i Sindikalna organizacija Profesionalne vatrogasne brigade (PVB) Tuzla (u daljem tekstu : Pregovaračke strane) utvrđuju osnovicu za obračun plaća uposlenika Grada Tuzla u iznosu od 330,00 KM (*slovima: tristotinetrdeset KM*) i visinu boda 1 (*jedan*).

2. Utvrđena osnovica i bod za obračun plaća iz predhodne tačke ovog Sporazuma će se primjenjivati počev od 01.01.2020. godine.

3. Za sve što nije regulisano ovim Sporazumom, mogu se primjeniti odredbe zakona i odredbe Odluke o plaćama uposlenika.

4. Ovaj Sporazum stupa na snagu kada ga, u istovjetnom tekstu potpišu i pečatom ovjere sve pregovaračke strane, a njegova primjena počinje kako je predviđeno tačkom 2. ovog Sporazuma.

5. Stupanjem na snagu ovog Sporazuma, stavlja se van snage Sporazum o utvrđivanju osnovice i boda za obračun plaća za 2020. godinu, broj _____ od _____ godine.

6. Sporazum je sačinjen u 5 (pet) istovjetnih primjeraka od kojih, nakon potpisa i ovjere, svaka pregovaračka strana zadržava po 1 (jedan) primjerak, dok 2 (dva) primjerka ostaju Gradu Tuzla.

PREGOVARAČKE STRANE:

1. Sindikalna organizacija državnih službenika i namještenika Grada Tuzla PREDSJEDNICA	2. Sindikalna organizacija PVB Tuzla PREDSJEDNIK	3. GRADONAČELNIK
---	---	------------------

Snežana Katkić

Ismail Mašić

Jasmin Imamović
Broj:
Tuzla,